



瓊山縣志卷之二十六

人物志十二 孝義 漢 元 明

漢

初孀者舊志失其鄉貫氏族只云珠崖令前妻女

也年十三繼母連大珠繫臂為飾令死喪還漢

法納珠入關者死繼母棄之其弟九歲收置鏡

奩中關侯索得珠吏曰誰當坐者女意繼母所

置乃進曰父不幸母已解棄妾惜而置奩中母

不知也妾當坐母爭曰此珠繫妾臂妾不忍棄

何與於女妾當坐皆痛哭哀動路人關吏感其

義並不忍加罪後訊實乃知九歲男所為遂

釋之

元

蔡九孃千戶克憲女有姿色解書義多勇畧年十

一喪父擇配越三十不嫁

雞肋集云父亡弟幼不欲以黎土屬之他

人故親統父兵俟弟之壯不肯適人

元末寇亂統父兵保障鄉里未幾陳子珣陷乾寧郡邑九孃固守不下日久力竭泣謝鄉人曰

賊帥新得郡城不守而來爲我也我死則禍息

矣乃投入鋪錦巖避焉子珣怒以草塞巖口縱

火熏之九孃死巖中子珣詩云一笑花前醉似

泥綺筵歡劇不聞雞馬蹄到此空歸去不是花

迷是酒迷爲九孃作也

明

陳氏東廂人唐舟之子庸妻家居淡薄陳奉甘旨
未嘗缺姑病危晝夜侍側廢寢食焚香祝天剖
股和藥以進人無知者姑食之病愈久乃覺人
莫不歎其孝

馮氏名銀字汝白東廂人唐舟之孫繼祖妻同邑
教諭源女奉姑孝亦嘗剖股療病云

林氏增生陳輔妻年二十寡紡織鞠孤遭海寇許
瑞逼焚村落漸迫氏家冒火僱人救出夫棺與
家人避賊渡河舟溺又奮命撰其妹得俱免人

稱天佑守貞課子壽七十八

林氏儒士陳鑿妻

通志作陳鑿

年二十八寡孝敬翁姑

拮据課子母憐其困苦勸以他適氏持刀刺臂

矢節姑病焚香拜禱願減己壽以益親齡子紹

文遊泮

邱氏貢生崢之女性至孝以父無嗣不肯字人隨

父任廣西思恩縣訓導父歿女爲殯殮扶柩而

歸卒於徐聞年三十八有司旌之曰孝女垂芳

吳義姑前所人辛卯舉人李明妻俊之妹明卒吳

年二十四無子歸母家撫孤姪誠如己子教育

成名領正德己卯鄉薦卒誠服喪三年

王氏烈樓用宏女以父無子不忍出嫁矢志守貞

與父相依爲命終養三十餘年父卒哀毀骨立
人勸之嫁不應終以哀毀亡族人憫其孝烈醵
錢置田立碑並父墓祭

...

...

...

...

...

...

...

...

...

...

...

...

人物志

死節

唐

元

明

清

唐

王英符鳳妻亡其姓寶祐間鳳以罪徙儋州至海南爲獠賊所殺脅王英私之英給曰一婦人安能事衆男子請推一長者賊以爲信乃請更衣有頃盛服立舟上曰受賊辱不如死遂沉於海

元

蔡氏壘村蔡九孃之妹遵都王和妻至正壬寅賊陳子瑚黨邱田欲犯之不屈自縊死

唐五妹伯壽女至正甲辰陳子瑚寇乾寧郡與從妹俱被執至舟中躡其妹曰我必不免於辱縱

還何顏立於世乎汝小尙可求生也乃給賊曰

妾家破親亡將何之乞解縛當相從賊然之卽

投江死時年十八從妹以幼得歸

上俱舊志

韓氏文昌縣石康韓元帥女烈樓王天傳妻幼聰

慧通女戒元季繹騷夫死于寇韓贖以葬命子

翰避寇海北冀延宗祀己以死守後爲寇迫不

辱死賊義之不入其里里人賴存者多厥後子

脫難歸延祀王門不絕如綫韓之力也

採訪

明

程氏賈岳妻洛國後海南衛前所鎮撫凱之女洪

武丁丑年二十二歲夫歿自縊事聞旌表

解學士縉

傳曰賈岳妻程氏之女也粗涉書傳有德容年十八嫁爲岳妻岳父羽初爲海南衛鎮撫謫廣西岳涉嶺海省之得疾後歸瓊州方疾亟時程氏許從死神傷不能哭遂自縊生與岳同年氏年二十二歿時洪武丁丑也一子鞠於祖父母中舍人吳君仲平贊曰慷慨殺身易從容就義難人於所當死亦有迫於勢不能不死者若程氏其何迫之有所以爲難也然瓊在海外而民皆知慕其義至詰其塚嘆惜之嗚呼亦足以見風化之大行與

畢氏直隸太湖人年十五嫁南昌衛指揮屠經爲

側室宣德初經以累謫海南衛千戶病劇訣別畢誓同死經卒旣殮乃沐浴更衣辭其姑姑難其請相抱痛泣俟衆防少懈閉戶自縊

耿氏歸金用和爲妻未三月金渡河遇颶訛言溺死耿聞卽自經氣絕而金適歸有名醫徐美救

之甦耿性慧閑談論古今咸有典據金或不知
也及金罹禍耿避難役得而昇之耿曰昔王凝
之妻爲逆族主人所持卽斷其臂今吾以目視
惡人可乎不如死之爲愈也卽瞑目不食數日
役懼昇還其家尋卒

陳氏知陟川縣張子翼妻隨翼任嘉靖甲子翼入
省闈僉徭賊數千劫庫擄氏爲質云順我則生
否則死罵賊咬賊手肉嚼之賊怒刃死越三日
顏色不變救兵至賊退陸人爲具棺殮翼卽葬
之於陸時年三十兩院旌表立祠春秋致祭後
以子紹初官贈安人

韓氏謝應昇妻居文昌水瀾村年二十被海寇曾一本擄去時抱男乙常在手俄見母陳氏亦被擄韓乃給賊曰若放我母與子歸當從女賊信而釋之韓度母子去遠遂投海死數日其兄夢韓執蓋行海濱因至其地求之果得屍於破傘下面色如生乃收葬焉

陶氏海南衛軍許撫謙妻隆慶六年倭陷海口城被執不辱死

陶金孃舜卿女隆慶六年女年十六賊陷海口城獲女美其色欲污之女嚙賊大罵以死自誓賊多殺人以懼女意強必從竟不辱爲賊所殺

清

李氏戍婦也夫王尙策山東德平人犯罪戍瓊康熙五年八月病故氏年三十一預治殮具爲身殉計至十一月十八日自縊而死附祀

吳氏大小英人庠生理燦之女適康熙壬子舉人王賓賓會試卒於京邸吳聞訃痛激投繯

趙氏李捷魁妻年十五歸魁康熙辛酉海黎肆掠趙逃匿山中賊搜山得而脅之不從刀血遍體一賊曰是烈婦也不宜枉殺一賊復至又脅之

趙罵不絕口賊怒以刀刺其喉幾斷越三日有自賊中逃回者言其事甚悉捷魁乃往山中昇

歸奄奄一息尋卒

屈氏澄邁人夫失姓名居海口所康熙二十年海賊楊二破城逼氏去氏罵賊被斷其手足而死前府嘉其貞烈爲立木主附江公祠祀之

尹氏海口水師左營守備黃世賢妻康熙二十年海賊楊二圍海口城城中危急氏慮城破被辱先吞藥死前府爲立木主附祀於江公祠

楊氏晉江張元璐側室僑寓瓊郡地封坊璐亡氏年二十有閩人劓委佐郡者欲脅娶之誓死不

許值璐七辰理粧哭拜閉戶自經顏色不變縉

紳士人咸往拜奠與璐合葬於新學左附祀

現山鼎志 卷二十六
吳氏林發桂妻孀居撫稚子爲海寇所擄恐被污
密囑同難者曰吾不復得見吾兒矣若等得歸
當爲吾兄告之卽投水死

王氏官隆三人天文女年十四贅林學文明年學
文死慟絕者再乃衰經登林門哭泣拜見翁姑
矢志堅守踰年有匪徒周加令窺氏姿色托媒
結婚氏不允乃強委禽焉聲言擇吉迎娶氏卽
閉門自縊十一月部院王 諭王氏芳齡失偶
誓不再醮因強徒逼脅甘死以明從一之義志
節可風給芳性天成四字製匾以勵風俗乾隆

九年旌祀節孝祠 俱舊志

顏氏徐必奇妻康熙年間爲海寇所掠顏恐被污婉詞誑誘爲全身計旣而佯汲水卽投江中漁人救之不死擁至徐家必奇不知妻志疑爲賊玷顏卽引刀自割其乳而死神色自如觀者無不駭焉

朱氏萬都一人王邦榮妻年二十七生男正錦三歲而寡欲以身殉旁人勸以翁老兒少而止遂携弱弟孤兒勞兼內外恢復前產翁卒殮葬如禮未幾錦又染痘醫者以危在三日外先二日遍辭親戚矢從丈夫於地下不忍視兒沒親戚來寬慰者衣服各付予產業付其弟衆知其必死鬻防之夜偶疎竟投水死

吳氏白沙人至簿以松女配府經歷陳元粹子德浴
爲妻年十七歸浴伉儷甚篤事翁姑無忤色年二
十七浴病篤侍湯藥時刻不離浴故氏視殮畢卽
從容理裝仰藥以殉 上俱採訪

王氏郡東門內街拔貢馮耿光續妻東周巷王廷侑
女年十八于歸孝事姑和妯娌婦道無虧及耿光
由都旋病故氏以同穴自誓慟哭哀毀水漿不入
口次日視殮畢從容就義遽以身殉鄰里以烈婦
稱之

鄭貞烈女下田村少許字邕陽吳家年十六性靜有
姿色父櫛負販爲業續母王氏嘗虐使之女惟命

是從鄰有富客賃開糖房時過鄰門見女陰遣人
圖之女守義不可犯乃賂以重金其母伺父外出
設計陷之夕間命女偕往鄰家乞糖女不可母強
之不得已含涕偕往既入門母逃出富客閉門陳
以威讎女大聲疾呼以頭觸門震動四鄰客懼事
洩縱之歸而母恨之刺骨絕其飲食數日乃置毒
藥飴中令女食之食畢出與鄰母永訣歸到門外
藥發而死時同治元年五月十六日也鄰右冤之
執其母繫於道傍大樹行人爲之切齒父聞歸逐
母出葬女於西郊之原光緒己卯五年士林憐其
事著表貞集哀之郡增生舒喬青劄捐刊集行世

進士邱對欣爲序

魏氏郡景行街陳其任側室年十八于歸事夫與續
室林氏甚孝凡林氏飲食必侍於側勤勞紡織未
期年夫亡有鄰居富戶某聞氏有德容陰托媒勸
氏改適氏泣涕不言重賄林氏迨氏改嫁氏憤激
掩泣不食深夜自縊鄰里義之

馮氏府城東門內茂齡女適邁德村恩貢曾光斗爲
媳附生唯一妻年二十二夫亡哀痛靡已匝月殉

節

林氏曾志問妻二十六歲夫亡殉節

饒氏三江南林鴻記妻年二十二夫亡氏泣血哀

姑爲勸慰始節哀有記媒勸其位適者氏知市場
無節婦假詞以謝之所製亡夫冥衣俱爲己衣服
疊其中鄰婦見者怪問之曰預作附存聞者笑其
迂葬夫之日哀痛失聲誓墓而歸此夜殉節圖中
紳耆醵金請旌建坊市外以表節烈

林氏歲貢生吳桂芬媳文錦之妻民國二年文錦由
金江市染病歸侍湯藥二閱月不少怠夫亡殮畢
氏哀慟激烈三日不食以殉

潘氏監生吳文煥次媳業儒之妻夫卒年餘氏孀居
矢志靡他因歸寧途遇無賴語涉輕薄返告翁姑
夜輒自縊憚學憲賜節勁松筠四字以褒嘉之

雲氏蘇尋二美峯里馮夙瓊妻年十七于歸次年夫
疾卒氏將嫁奩交於夫弟投繯以殉年十八

郭氏同都美峯里馮裕興妻與以微疾卒營葬事畢
投繯以殉年僅十八歲貢馮藻章哀其節烈詩以
輓之

張氏文林圖林排村光斗長女龍坡村辜學謙之媳
紹昌之妻年二十四夫亡矢守苦節六年家人欲
奪而嫁之局迫難伸服毒殉夫

陳氏國英次女調塘二圖燦村曾傳浚之妻年十六
于歸次年春傳浚赴暹謀生遭疫而亡氏在外家
聞耗奔喪哀慟旬日漿水不入口其祖父母俱

在堂氏節哀奉侍夫柩自滬歸朝夕痛哭不輟葬
夫事畢其夜投繯以殉年僅十八鄰里憫其節烈
請旌於朝

林氏文林村附生萃森孫女附生曾述顏媳士鑾妻
二十三歲夫亡殉節

馮氏南渡村謝源鍾妻年十五于歸事姑惟謹勉夫
就學年十七夫由校病歸而卒氏悲號不食至三
日夫柩將移村外曉雞一鳴潛出就義於吳太史
橋下以殉夫聞者無不稱其義烈

王氏永鞏村邑庠陳敬立繼子其濬妻其濬肄業瓊
山第一高等小學將畢業一病而亡氏年十九哭

泣不食月餘殉節宣統二年請旌建節烈坊在村

前

李氏楊森村王垂社妻年二十一夫病危朝夕侍湯藥不離左右暗自飲泣夫卒出殯將滿月送墓歸即往母家永訣隨歸母寄言須加防衛次早潛赴水殉節其從容就義如此

鍾氏進士鄭天章之媳附生里繼側室夫卒於拔萃學校氏聞奔喪哀泣日夜漿水不入口者數日既出柩自縊以殉家人驚救始蘇逾兩日復自縊死吳氏鄺文宣妻年二十五夫亡不食累日卒自縊以

殉節

王氏廊善忠妻年二十八夫亡痛哭日夜夫葬後以
死殉節

李氏美德村王邦峻妻年十九于歸逾年夫病亡日
夜哭泣翁姑憫其過哀善言勸解氏佯爲節哀藉
慰親心未幾服毒藥以殉

張氏里仁村學生莫德榮妻年十八于歸越數月德
榮自郡垣第一高等小學染病歸遂不起氏日夜
哭泣繼之以血以身殉夫鄉鄰憫其節烈捐貲請
旌建坊

陳氏丁村李學超妻年十八于歸事翁姑盡孝學超
聰慧好學能文體癯多疾寢成咯血而卒氏年二

十一晝夜欷泣舅姑勸慰氏益哀將七終歸寧泣
別其母仍返夫家終夜泣繼之以血遂仰藥以殉
鄉里紳耆嘉其節烈請旌拔貢馮耿光誌銘其墓
陳氏麻長圖李永相之未婚妻年十八聞夫亡願登
門守節其母爲之擇配氏聞知遂自縊族人憐其
節烈進神主入宗祠奉祀

王氏儒貢村蔣必芬妻于歸百日而夫亡矢死靡他
遂以身殉

孫氏道郡村武庠吳錫光媳耀東妻耀東由高等小
學畢業入省城軍醫學校次年病歸遂致不起氏
痛不欲生百日完夫喪事自經殉節年二十請旌

如例造坊大林市前

謝氏蓮塘村王學儒妻年二十五夫亡殉節

陳氏下庠村林詩珍妻詩珍瓊山高等小學生疾返而終氏年二十一自經以殉

黃氏岐山村林德綿妻年二十夫亡哀痛靡已經年守喪不出門閭竟以飲鴆殉節族人請旌建坊舉

人馮驥聲序銘

吳氏開文圖慶雲村邢益賢聘妻益賢年十八病亡氏聞訃哭泣不已欲過門守節不許遂溺水以殉天家聞知迎喪葬夫墓右

林氏芳園村李世剛妻年十九夫亡痛哭不已六日

以身殉節

陳氏昌城村附貢杓道著媳德琨妻年二十二夫亡

遺腹產女遂歛毒以殉

梁氏北渡村黃有寬妻年二十夫亡墓夫事畢仰藥

以殉

林氏演順二圖王明君妻年二十二夫亡自縊以殉

李氏王大俊妻年二十四夫客死信州迎柩歸葬事

畢借名歸寧投溪以殉

陳氏蓮塘村張仕偉妻年十九夫亡矢死靡他已有

數年有媒謀於母家欲奪其志歸寧時偵知之遂

仰藥以殉

林氏邁德村曾志問妻年二十餘夫亡生一女甫二
日氏哀泣絕粒數日矢死以從但呱呱在懷不忍
遽棄追葬夫三日從容仰藥以殉其端並以大義

陳氏蘇尋一方正坡村王魁積妻年二十五夫亡誓
以身殉痛哭不已百日葬夫遂服藥以殉其心

馮氏家樹女許字文昌雲于篋未幾病故氏聞知日
夜飲泣父母欲別議婚氏知之閉門縊死遺書歸
骸與夫同穴父謂女子未嫁禮宜祔祖塋及開土
皆石不能成壙夫家聞之迎柩合葬同族進士雲
茂琦紀其事舉人馮驥聲有詩二味壯生事林樹

蔡氏主事榮春女草莽巷吳友庚妻年二十夫亡殉

節舉人林之椿有詩

莫氏定安南山村高謙次女城內仁和坊主事林樹

珊次媳煦恩妻年二十夫病亡即日殉節

王烈女安仁潭徧村世嘉女少許字連村楊鴻愛因

家貧窮未及于歸鴻愛有兄鴻惠遠客南洋鴻愛

出洋謀生兼訪尋兄數年未遇艱於資斧未能歸

然恐烈女他適每歲寄數金於世嘉以安其心年

復一年烈女年逾破瓜有聞其貞靜者竊勸其父

母別尋快婿冰人到門烈女屢梗其議並以大義

陳於父母之前父母亦聽之某僮父以騙局得多

林金思爲其子續婚賂媒許以重利父母惑其言遂

首肯烈女猶未知之屆期鏡臺旋下乃知魚網之
設特欲羅鴻遂佯威妝含笑而出父母以爲意之
轉也不爲防備遂投水殉節聞者多悼傷之明經
張廷標作歌紀其事刻印徧送以表節烈

其間亦有...
其間亦有...
其間亦有...
其間亦有...
其間亦有...

人物志

一旌節 元 明 清

元

李氏教授林君用子婦年二十五孀守泰定間憲

副阿刺公聞於省部旌其門憲副楊伯徵贈以

詩云丹心已化望夫石血指猶存織女機

明

胡氏江南華亭人夫高文貴爲海南衛右千戶所

吏胡從焉洪武壬戌文貴遭難卒胡年三十收

骨以塋誓死守節教子誼以學業爲諸帥守所

重楊升嘗爲作傳知府王伯貞跋之

張氏南橋陳普恤妻年二十八寡孀居六十年壽

八十餘正統己未旌

李氏澄邁黃村易周女西廂丘傳妻大學士文莊

公濬母也年二十二寡矢志無二撫育幼子母

兼父道後以子貴封一品夫人天順辛巳旌表

建坊

韓氏後所王勇妻宏之母年二十九寡壽八十餘

成化丁亥旌

吳氏前所昇女生員王繼妻年二十六寡子宗源

甫四齡矢節事親教子有義方長領鄉薦成績

學宏治乙卯

或作癸亥

詔表其宅張詡爲之作銘

胡氏方伯濂女年十六歸進士張世衡世衡卒於

京邸胡年二十八守節嘉靖壬辰旌

鍾氏侍郎芳女適張世衡之子穀爲妻年二十寡

嘉靖丁巳旌

岑氏指揮王守臣妻蚤寡撫孤子秩襲職通詩律
同知陳夢雷請建坊旌之

唐氏郡庠生陳瑀妻年二十六孀守郡守周思久
旌其門

唐氏海南衛王宗義妻遭繼母次弟讒妒借棲舅
家猶勤問視年二十四寡茹苦撫孤屢經家難
冰霜勵節俾義血食不替氏之力也右司旌獎
壽七十餘終

張氏大攝都亞魁王伯霖妻年二十九寡食貧守節詔旌其門郡守王可大銘其墓

陳氏西廂二儒士潘穰妻穰以試事卒於省氏年二十矢志靡他家素貧奉養耄翁茹苦供甘撫孤兒之楫紡織佐讀楫登賢書知善化縣御史王公賜粟帛學憲胡公建坊旌表

高氏中所儒士李元良妻生子際春週歲姑與夫相繼亡時年二十五顛危矢所截髮毀容自矢靡他撫姪應春督課分貲一如己子事翁尤爲恪謹歲荒忍饑奉養萬厯三十一年瓊山縣令以節聞按院沈優獎年六十終萬厯壬子際春

領鄉薦至四十五年學道申請旌表

馮氏上東岸王演武妻年十八夫故無嗣孀守撫
姪承宗兩院蔡公王公旌獎

方氏庠生岑冕妻年十五歸岑甫三載岑故撫子
妖撫孫孫又早亡又撫二曾孫提抱相依教訓
年八十有七旌獎

清

李氏那梅都陳應熊妻熊亡氏年二十四子在襁
褓有議出嫁者輒絕食父母勸之李曰上有耄
姑下有幼孤忍舍之乎閨門嚴肅人莫覩其面
康熙三十一年院司給匾旌表

高氏那梅都吳蔭昌妻年二十五寡奉養孀姑不
嫁歷變亂饑饉茹荼食貧撫子經邦入泮康熙
四十五年旌

陳氏明進士是集女適文莊公裔孫庠生丘夢暘
生二子一在襁褓一甫彌月暘故氏年十九鬻
奩殮葬孝事舅姑撫二孤珩玟並列庠序年六
十餘學道給旌表

莫氏定安貢生莫亦若女適文莊公裔孫郡廩生
丘夢璧壁赴省試道卒氏年二十有一鬻奩扶
夫櫬回數年翁死與姑馮氏相依婦兼子職子
身無子世亂頻仍荼苦終身學道給匾旌表

吳氏桂林都督怒妻庠生吳象斗女年二十一寡
矢志堅貞事祖姑陳氏姑范氏盡孝撫孤子有
臨文奎並列庠序年踰六十閨範肅然學道給

匾旌表

葉氏東洋人定邑庠生軒學女年十八適周璧通郝

志作周國璧二十二歲璧故矢志守貞以奉翁姑撫

孤子斐章食餼雍正七年旌年五十七

黃氏郡北門邑庠馮兆英妻廩生宗京母年十五

歸馮二十五兆英卒氏矢志靡他年六十一雍

正八年旌

黃氏瓊南北人邑庠克斌女庠生洪嘉素妻年二

十七夫卒氏栢舟矢志雍正九年旌

張氏大林一人辜弘髻髮妻年十五于歸十八孀

守歷年五十七雍正十年旌

潘氏萬都人廩生思孔女庠生周秉穹妻二十三

歲寡氏堅志守節外人罕覩其面撫子洪煥食

餽雍正十一年旌年五十七

吳氏東廂二人庠生于舒女廩生陳今興妻十六

歲歸陳未踰年夫殞孀守撫嗣子治補邑庠壽

七十二雍正十二年旌

鄭氏演順都人陳弘綽妻孝友存禮女年二十六

夫故矢志栢舟撫子贊潔成立年五十六雍正

十二年旌

馮氏西廂人舉人嘉遇孫女生員許世華妻年二十六夫亡撫孤嘉義嘉禮備嘗艱辛年五十六
雍正十二年旌

符氏大林人庠生聖紀女邑庠陳是則媳生員宏謨妻年二十七宏謨死冰霜守節歷三十餘年
乾隆元年旌

吳氏大林一馮倉村馮偉運妻吳逢先女二十歲
偉運故松筠勵操孀守三十餘年乾隆七年旌
伍氏西廂一人郡庠必勝女年十七歸邑庠吳鼎
鍾子毓奎為妻明年毓奎故氏芳年勵節大義

皎然遺腹子士衡訓養遊泮乾隆八年旌

王氏演順二人吏員照極女配貢生陳墮進次子

熾爲妻年二十六熾故誓志堅守撫嗣子贊疆

成立乾隆八年旌

曾氏大林人元英女年十七適邑庠陳是則男郡

庠弘藝爲妻次年弘藝夭逝誓不再適撫嗣子

懷士進泮氏年五十二乾隆九年旌

陳氏萬都人兆興女貢生焯胞妹郡庠吳有要妻

年二十二于歸二十七歲夫亡孀守三十餘年

乾隆九年旌

劉氏振文都之禮女楊朝選妻年二十二夫故哀

傷欲絕以孤兒在抱不忍矢死靡他孀守三十
七載乾隆十年旌

周氏開文人廩生其焜女陳毓英妻二十三歲毓
英故矢志孀守撫孤執申名貢成均氏年五十
有三乾隆十年旌

陳氏西廂一人增生金益府志作益金女配舉人黃廷

璜之子邑庠元先為妻年二十三夫故堅心孀
守立嗣子翰春為嗣年五十有二乾隆十年請
旌

劉氏調塘人生員金女生員陳邦祚妻年二十歲
夫卒矢志完貞生二子所傳所守撫養教誨俱

系示
卷二十六
人物
旌節
三

蜚聲太學乾隆十年氏年六十有五請旌

黃氏西廂人貢生嘉璧女羅輝斗妻年二十三輝
斗故冰潔自守撫孤以寬進泮卒年五十有二
乾隆十一年請旌

陳氏蘇尋二都馮潤妻年十六歸馮踰五載潤歿
冰霜自矢家貧夙勤女紅以養翁姑翁姑卒喪
塋盡禮持家有法子典膺歲薦氏年八十餘終
乾隆十三年旌

蔡氏吳世卿妻年二十寡堅志貞守閨門清肅撫
子淵有成卒年八十乾隆十四年旌

林氏博茂圖草堂村郭瓊泰妻年二十二夫故林

守節不二擇姪承祧事翁姑至孝養生葬死不
留餘憾乾隆二十七年旌

李氏杜鍾麟妻年二十一生二子而寡夫弟玉麟

妻張氏年二十三寡亦有二子同志孀守奉髦

姑色養備至撫孤兒恩義兼盡姑歿共鬻釵裙

治喪相依三十餘年一門雙節里閭稱之乾隆

三十六年旌

吳氏庠生王章妻乾隆十七年旌

謝氏呂奇侯妻乾隆十七年旌

陳氏吳文淑妻乾隆十七年旌

張氏王麟妻乾隆三十八年旌

周氏開文圖陳毓蛟妻堅貞自守乾隆十五年旌

潘氏庠生王元輔妻乾隆四十六年旌

王氏上游都人梁萬邦妻年二十二夫故氏矢志

孀居撫孤成立乾隆四十六年旌

鄭氏王鈞妻嘉慶二年旌

謝氏廩貢吳琮側室嘉慶五年旌

符氏王緯章妻嘉慶六年旌

雲氏蘇彝二圖美帖村馮淑妻文邑在禮女二十

二寡爲夫立後姑病親侍湯藥禱佛有驗齋以

酬之誓不火食庭有波羅密樹從地下根結子

土裂見之取供齋食永永不絕及卒樹枯人以

爲誠感事姑殯塋盡禮性喜施濟周恤貧困撫
從姪鳴甲爲嗣恩勤教育領歲薦嘉慶六年旌
雲氏蘇尋二苗美帖村馮棟妻年十七寡夫弟校
妻韓氏亦年二十二寡各撫侄爲嗣冰霜共勵
閨門靜肅相依三十餘年一門雙節閭里稱之
俱嘉慶十三年旌雲氏壽八十卒

郭氏曾魁文妻嘉慶二十四年旌

徐氏編修吳璵側室年二十六寡鐵石其心松筠
其節從一以終嘉慶二十五旌

呂氏廩生許子恭妻年二十二寡靜守不出閨闕
鄰人少識其面道光元年旌

王氏陳以俸妻道光元年旌

馮氏蒼原陳君仲妻年二十一仲故欲殉之或以

孤兒勸不答又曰如舅姑何氏乃誓不再適訓

子景昌遊郡庠道光八年旌

吳氏王時泰妻道光六年旌

吳氏廩生王翰學妻道光八年旌

覃氏遵都人儒童蔡江妻太學生正心母年二十

四孀居貞節不改始終如一道光十年旌

吳氏周文穆妻年二十七夫死遺二子吳矢志守

節撫之成立年七十七終道光十年旌

蔣氏周甫懿妻年二十五夫亡孀居苦節毫無遺

憾次子執菖成均孫鎮岐郡廩曾孫長發郡庠

壽七十三卒道光十年旌

吳氏周宏琳妻道光十年旌

張氏官隆四人游國藩妻堅貞不二淑慎其身道光十一年旌

鄭氏麻釵圖陳邦瑞妻年二十七寡明於大義介石自持雖爨火久虛而無怨懟聲里閭共欽其節道光十四年旌

馮氏陳翰章妻道光十四年旌

李氏北門楊廷珏妻知府恒謙妹年二十二寡松筠勵節清苦持家撫嗣男以養兼教道光十四

年旌

林氏編修吳璵側室年二十九喪偶守節撫孤勤勞家政內外無間言道光十五年旌

蔡氏鼓樓符兆熊妻年二十九寡冰霜勵節辛苦持家道光十六年旌

馮氏邑庠生吳以均妻澧州判儁母年二十一寡矢志孀居事親盡孝奉槃匱潔滌滲雖嚴寒盛暑無惰容持家有禮法教子以義方族黨欽之道光十六年旌與粘氏合建坊於大慈寺之右

楊氏葉泗澗妻道光十六年旌

梁氏西黎一都王炳妻年二十三夫故梁勵節冰

霜白頭無玷道光十五年旌

楊氏梁陳二人蔡在智妻年二十四寡靡他矢志
道光十六年旌

馮氏鼓樓增生符俊英妻年二十五寡竹操松筠
忍荼茹素道光十六年旌

林氏蘇箒二圖福岷村陳日炳妻年二十二炳故
孀居三十餘年謹守閨闈能識大體道光十六
年旌

黃氏庠生陳元模妻二十八歲寡撫孤子步蘭成
立名列成均道光十六年旌

馬氏蒼原二人覃魁晃妻夫故守寡養子純仁娶

妻洪氏洪年二十九仁故洪與孀姑相依為命
全節無虧道光十六年旌表一門雙節坊

王氏庠生何其熾妻道光十六年旌

王氏遵都人儒童蔡勸妻勅封修職郎太學生永

栗母年二十四寡矢志貞白之死靡他道光十

六年旌表建坊翰林院檢討邱建猷為之作傳

林氏武生鄭鋒妻道光十六年旌

符氏楊廷瑞妻道光十八年旌

馮氏永興都王儒佩妻年二十四寡勤績以養翁

姑撫姪以承禮祀水守四十四年道光十七年

旌

吳氏林家瑞妻年二十三寡勤儉持家曲盡其道
道光十八年旌坊暨博冲大路邊

鍾氏吳德讓妻道光十八年旌

粘氏附監生卽用照磨吳以懋妻年二十四失偶
居常無笑容御下多慈惠茹素奉佛戚郇罕覩
其面乏嗣以澧州州判儁兼承其祧道光十八
年旌與馮氏合坊

饒氏演順都瑤城村符運謨妻年二十一失偶矢
志孀居事翁姑撫諸弟曲盡其誠享年六十有
三道光十八年旌

曾氏梁陳一人布政司理問鴻圖女梁士進妻年

現山縣志 卷二十一
二十三夫故曾矢志柏舟道光十九年旌

潘氏桂林高之拔妻歲貢家駿女年二十七夫

故安分守節勤儉可風道光二十年旌

陸氏陳見瑞妻道光二十一年旌

張氏生員陳日晃妻道光二十一年旌

溫氏例授縣丞吳以桂妻年二十二寡矢志松心

不貳其志道光二十四年旌

吳氏調塘二圖林其英妻年二十二歲英故貞以

自守敬以事姑道光二十四年旌

林氏涇洲圖圍尾村陳大壯妻年二十九失偶氏

矢志栢舟撫子席珍遊府庠道光二十五年旌

林氏涇洲圖新安村陳德京妻年二十九歲寡氏
守節不改撫二子成立學院李星沅賜慈愛可
風匾道光二十五年旌

王氏蒼原人例貢景山女監生黃晉妻年二十二
夫故氏志同金石道光二十五年旌

馮氏官隆圖王朝烈妻庠生懷芳女年二十二歲
烈故冰霜自守竭力事親無忝婦道道光二十
六年旌壽六十一

溫氏西廂例授都事吳以楨妻廩生吳鎔母年二
十五失偶處素封而儉約訓子以嚴濟慈道光
二十七年旌

蘇氏海口二圖西門內李捷標妻年二十九夫亡
事姑孝謹教子義方孀居四十餘年現年七十
四道光二十七年旌

符氏聖鹿圖張在鵬妻年二十鵬故矢志孀居堅
貞自守家有田庄值數千金氏盡撥歸祖丞嘗
自甘淡薄道光三十年旌現年六十一

陳氏文林圖大殿坡村吳元之妻國學定之嫂案
庠步衢母也年二十六元亡遺衢三歲氏孀居
撫養教以誦讀衢稍怠即撻以機杼曰汝若不
學吾何望焉道光三十年旌

李氏監生荻潭之女監生吳伯任妻年二十一伯

任故李誓不再醮現年六十道光三十年旌

馮氏例貢吳世煥妻年二十五夫亡矢志靡他撫

五月孤子成立教誨有方人稱爲女中君子咸

豐元年旌

林氏西廂一馮纘登妻年二十二寡事翁姑撫穉

子備歷艱辛苦節三十九年咸豐二年旌

李氏博茂圖潭窟村儒士陳日陞妻年二十二陞

亡李孀守無他事親教子婦兼夫道壽七十三

咸豐二年旌

馮氏張吳圖道郡村吳天運妻歲貢生亶聰堂弟

婦年十七運亡無嗣馮孀守苦節事翁姑以孝

聞撫弟子女如己出卒年七十有五咸豐二年旌

符氏東洋員山人布政司理閻棠之女配增貢生

周有萃之子廩生天衢為續室年二十四衢故

符貞白自守婦供子職母兼父道現年六十五

歲咸豐二年旌子光熊邑庠生孫慶齡邑廩生

李氏興義圖道養村吳朝會妻歲貢黃煥孫媳年

二十四會亡無子李矢志不他適咸豐三年旌

張氏張吳圖龍盤塘陳國瑜妻年二十九寡冰霜

自守不為浮言動茹苦自甘門內肅修人無間

言現年六十有六咸豐三年旌

吳氏王時瑜妻西廂一人增生王子俊祖母十七

于歸時姑亡翁病朝夕侍藥衣不解帶年二十九夫故益矢冰霜卒年六十九咸豐五年請旌

林氏王廷俱續妻增生子俊繼母年二十八俱故冰霜勵節孀姑殘喘多病承顏不怠守節二十四年咸豐五年請旌

張氏西廂二袁繡妻年二十五繡故家無斗升紡織度口撫遺腹孤有成卒年五十八咸豐五年請旌鍾氏西廂二羅以授妻年二十五寡冰霜矢志二子

終賴以成立守節四十五年咸豐五年請旌

蔡氏邁別圖王文炯妻年二十一寡守節四十三年

道光二十六年旌 以上舊志

歐氏海口三亞坡王受賜妻年二十一夫亡守節道

光年請旌壽七十二

王氏上園村吳其端妻年二十七夫亡道光二十五

年請旌九十六歲壽終

馮氏遵都圖吳世煥妻年二十夫亡咸豐元年地方

紳耆請旌建坊

郭一圖丁江夏妻年二十二夫亡矢志守節

成立光緒丁酉年請旌於朝建節孝坊於村

郁一圖丁朝福妻年二十夫亡苦守寒門自

力光緒丁酉二十三年請旌於朝建節孝坊

巷鄭承懋續妻舉人吳班孫女年二十三
王亡教養嫡子乃縉無異所生官封川教諭壽八
期六五同治四年請旌

蔡氏真武樓街李乾昌妻李邦位四媳年十七將行
林娶乾昌篤病在牀臨娶日氏獨拜高堂未幾夫亡
哀慟欲捐生矢守貞節壽七十餘同治八年請旌

王建坊

王氏安仁里吳琳妻年二十六夫亡同治二年請旌
劉氏瓦灶人孫紹現妻年二十六夫亡同治癸酉年

請旌

黃氏調圪村王廷爵妻年二十夫亡守節同治三年

旌表建坊加丙市道旁二十六夫亡同治四年

吳氏虎變村林文昆妻年十八夫亡同治六年旌表

王氏雅黃村黃運蘭妻年十九夫亡守節同治八年

請旌建坊七十三歲壽終

林氏桂林圖吳萬鎰妻年二十二夫亡六十四歲終

光緒元年請旌建坊

陳氏東岸里俊雅村吳廷茂妻年二十六夫亡矢志

守節光緒五年請旌壽八十五終

邱氏廩生對時女適登第街劉國璋妻年十九夫亡

光緒初請旌壽六十九

高氏張吳東圖昌後村陳光惠妻年二十四夫亡守

節光緒五年請旌壽七十八

蘇氏景行街羅以登妻朱橘里蘇格行女年二十五夫亡守節撫養弟姪成立光緒六年請旌

孫氏東門內續緒長女西門達士巷舉人王承烈孫

媳贈承德郎廷佶媳贈承德郎沂會妻年二十九

夫亡矢志守苦節教養孤子國憲優貢官樂昌縣訓

導光緒九年請旌宣統元年覃恩敕封六品安人

壽七十有六

光緒十年

唐氏北門街熊德懋妻武生鷹揚媳歲貢生唐亨妹年二十七夫亡孤兆祥僅數月矢志守節針黹度口

孝事翁姑撫養孤兒成立壽七十四光緒十年請旌
熊氏草芽巷王家藩妻年三十一夫亡無子矢志守
節人無間言壽七十五光緒十年請旌

陳氏鹽灶村毛應南妻併生潤色長媳道客村歲貢
生陳宗虞之胞妹年二十夫亡無子孝事翁姑家
道窶貧翁年五十無嗣勸翁納妾并典奩物爲禮
聘後翁果產二男氏之力也壽八十三光緒十
一年請旌

毛氏瓦窰村瞿光華妻監生潤齋長媳鹽灶村併生
潤色次女年二十二夫亡無子矢志守節哭夫哀
毀骨立力耕以養翁姑撫姪兒爲嗣壽七十光緒

十一年請旌

陳氏新埠村蒙聯科妻年二十三夫亡壽八十光緒十一年請旌曾孫振賢振能俱增貢生

王氏新埠村蒙時清妻年二十四夫故孀居守節壽八十四以弟長子增貢生振賢承嗣光緒十一年請旌

吳氏西廂一圖西善村唐贊聲妻二十四歲夫故矢志孀居奉竹翁姑撫姪承祧壽七十五光緒十一年請旌

黎氏達士巷林天澤妻年二十五夫亡兒僅四歲家無寸產矢志撫孤光緒十二年請旌

游氏西門達士巷拔貢王廷傳孫媳增貢沂昭次媳

監生國尚之妻年十八于歸甫入門遂遭舅喪未

成昏禮先盡哭奠年二十夫亡遺腹僅生一女撫

養孤姪為嗣卒年四十一光緒十二年請旌

陳氏海口南門外迎恩坊文其煥側室景行街優貢

生陳韶中女年十九歲夫故遺腹產一男守節養

兒成立壽六十八光緒十四年請旌

曾氏草芽巷儒童吳為正續妻監生吳錦長媳年二

十六夫亡壽七十五光緒十五年請旌

譚氏郡城李澤潤妻年二十一歲年八十七歲

光緒十五年請旌

林氏郡城北門街翁位銘妻年二十一夫亡矢志撫孤茹苦含辛歷六十餘年志節不渝壽八十六光緒十六年請旌

韓氏文邑諧超長女蘇尋都馮寶崇妻年二十五寡苦節孀居撫養伯兄二孫立次孫爲嗣壽七十三時有同里族子思芳韓新翼之次女卽其姊妹行也夫出洋謀生家無擔石資衣食艱難萬狀未幾夫抱疾歸旋卒氏尙屬幼孀毀容徒跣辛苦備嘗而無怨現年七十三其外族舉人韓灼春聯請當道具奏光緒二十五年建雙節坊旌之

鄭氏郡城西門登瀛之女適雲路坊周廷球年二十

三寡終身茹素撫姪兼祧寂守閨中鄉鄰少識其
面光緒二十六年請旌壽七十九

顏氏大陳村陳亮之妻年十九夫亡年五十六歲終
光緒二十七年請旌

王氏安仁圖鍾文明妻年二十七夫亡光緒三十年
請旌建坊

陳氏草茅巷吳爲德妻教諭吳鎔三媳年二十五夫
亡年五十一歲終光緒三十年請旌

何氏北冲吳其銳妻年二十六寡矢志守節光緒三
十四年請旌

邱氏甘樵園王永琮妻年二十二夫亡遺二穉子哀

慟守節茹苦養子長成光緒三十四年請旌

林氏郡城大井巷倪鍾聲妻教諭林植三女年十九

歲夫亡無子守節年四十四歲卒光緒三十四年

請旌

林氏真武樓街李極才妻年二十六夫亡光緒三十

四年請旌

胡氏達士巷鄭先潮妻廩生乃綽次媳年二十二夫

亡光緒三十四年請旌

鄭氏朱橋里梁開倫妻廩生鄭乃綽次及年二十歲

夫故無子守節光緒三十四年請旌

杜氏海口大街邱開文妻年十八夫亡光緒三十四

廿年請旌

王氏大撫初周亮福妻年二十三夫亡撫養孤子純

麟長成旋夭折光緒三十四年請旌

雲氏調塘都竹園林開榮之妻年二十六夫故撫一

弱女親戚有喜慶事均辭不赴苦節為人所難光

緒年間請旌

張氏曾道傳續妻年二十四夫亡光緒戊申年請旌

蔡氏環瑯圖陳炳剛之妻岸生鳳升繼母年二十四

夫亡光緒壬寅年請旌

張氏博茂圖潭屈村附生陳日晃妻年二十九夫亡

光緒二十一年請旌

陳氏羅梧里馮裕元妻年二十夫出洋經商家素貧
王苦氏事翁姑克盡婦道翁姑逝世殯殮敬謹及夫
抱疾旋里氏親侍湯藥願以身代不幸夫亡所天
抱痛埋墓及翁姑塋墳完竣絕粒不食而亡鄉鄰
咸爲矜恤里人詩歌以哀輓之光緒年間請旌建
坊

馮氏博茂圖潭屈村陳鴻玠妻年二十六夫亡撫孤
子華臣邑附生請旌建坊

陸氏傅茂圖潭屈村陳見瑞妻三十歲夫故守節撫
孤子鴻程邑附生請旌建坊

鄭氏誼洲圖陳忠立妻年十八夫亡家有祖母與兩

姑在堂矢志養親塋終祖母與兩姑光緒年間請

旌建坊

蔡氏環瑯都榕仔坡村陳炳剛妻年二十二夫亡光

緒二十八年請旌建坊

王氏甘蔗園拔貢龍章之妹適道客村陳鴻賓妻年

二十一夫亡無子矢志守苦節光緒十九年請旌

曾氏澄邑以能女渲洲圖白沙村遂溪教諭崔家壁

長媳鎮南邑庠生妻年二十九夫亡光緒己卯年

請旌

王氏西義圖下坡村陳明魁之妻年二十餘夫亡光

緒三十三年請旌建坊克昌市西三里許大路旁

姚氏道學村王士卿之妻年二十二夫亡光緒十五

年請旌建節孝坊在大宗祠旁

林氏海口人和坊其琮長女關廠坊辜紹金長媳三

宥之妻附生錫朋之母年二十八夫亡光緒年間

請旌

曾氏萬州龍滾鄉秀貴長女兵部主事吳爲禧側室

年二十六夫亡撫孤子友鵬成立年四十一歲病

故光緒癸卯年請旌

黃氏攀丹村附貢任長女適濱涯村把總張遇春長

男呈祥年二十夫亡其時遇春已殉難老姑在堂

氏養親撫孤鴻友名列邑庠光緒二十年請旌壽

七十四

吳氏永都林中桐妻年二十四夫亡光緒庚辰年旌

表建坊

周氏邕陽其會女吳元拔妻年十六夫亡光緒三十

三年請旌建坊

陳氏英岳圖吳開桂妻年二十餘夫亡現年六十二

請旌建坊

陳氏歲貢登胞妹吳文振妻年二十餘夫亡現年七

十二請旌建坊

蔡氏永都道貫村吳日和妻年二十四夫亡請旌建

坊本村前

符氏文邑烏梅村附生騰蘭女邁德村恩貢曾光斗
媳附生爵一妻年二十九夫卒現年七十六請旌

建坊

唐氏文邑報榜村經歷銜志傳女恩貢曾光斗媳志
堅妻年二十五夫卒守節至六十歲請旌

陳氏府城西門內成亭女恩貢光斗媳監生德一妻
附生異撰母年三十夫卒守節至六十九歲卒請
旌

王氏府城外甘蔗園拔貢龍章女歲貢曾射斗三媳
附生志清妻年二十三夫卒守節至三十八歲卒

請旌

陳氏曾日榮妻年二十餘夫亡守節至六十餘歲卒

請旌

蒙氏海口南門內天成女張吳圖舉人陳毓姜妾倒

貢廷莊母年三十夫亡守節撫孤至六十歲卒請

旌建節孝坊

龍氏海口南門外盧成材妻年二十三夫亡光緒年

間請旌

李氏麻長圖成保女官隆張夔才妻年二十六夫亡

無子家貧紡織度口事姑盡孝鄰媪勸其改適泣

而杖之光緒三十四年請旌

周氏塘柳村吳元坤妻年二十二夫亡守節至光緒

二十八年請旌

林氏王吳村吳文貴妻年二十三夫亡守節至八十

歲壽終

杜氏文彩村王允欽妻年二十一夫亡遺孤三月家

赤貧拮据餬口養孤子成立完婚二年子又卒遺

一孫媳忽病盲比辛苦持家無怨言現年六十二

請旌

韋氏永鞏村陳詒耀妻年三十餘夫亡撫孤子承宣

娶王氏年二十四夫亡姑媳前後守節五十年此

緒年間請旌建坊本村前十五夫亡守節至光緒

林氏永鞏村邑庠陳敬立妻年二十餘夫亡守節至

光緒年間旌表建坊
五歲請旌
二十歲夫亡守節至

吳氏潭連村
修誠妻年二十五夫亡守節至光緒

年間請旌建坊
四夫亡守節至光緒

杜氏暫都蓮塘村
王居敬妻年二十三歲夫亡守節

至光緒十二年請旌

蔡氏暫楊森村
王大威妻年二十一夫亡守節至光

緒十五年請旌
蓋歷年夫亡守節至光緒

陳氏山頭村
鄧元欽妻年二十一夫亡守節至六十

五歲請旌

張氏卜正村
許大潤妻年二十八夫亡守節至六十

已請旌男學官
官光祿寺署正

吳氏陳滋大妻年二十六夫亡守節至六十年請旌
周氏譚康村王履清妻年二十夫亡守節至光緒二

十八年請旌建坊本村

吳氏儒屋村何必華妻年二十夫亡無子爲翁娶妾
生弟必錦以繼宗祧里黨稱賢光緒二十九年請

旌

吳氏仁定村符雲衢妻年二十二夫亡守節至光緒

十二年請旌建坊

孫氏符人紀妻年二十三夫亡守節至光緒十年請

旌建坊

林氏文林圖張紹睿妻年二十三夫亡光緒年間請

旌

林氏張紹璧妻年二十五夫亡光緒年間請旌

陳氏道泮村王大賢妻年二十五夫亡光緒八年請旌

蔡氏昌城村徐開典妻年二十二夫亡光緒戊寅年

請旌

陳氏適湖東村庠生王加綸年二十五夫亡光緒二

十年請旌

林氏長寧村學孔女和泰村王正元媳士紳妻年二

十二夫亡光緒三十一年請旌

蘇氏景行街羅以登妻年二十五夫亡光緒二十七

年請旌建坊在三里亭

梁氏瓦窰村瞿吳僕妻年二十二夫亡曾請旌表壽

七十三

毛氏瓦窰村瞿光華妻年十七夫亡前請旌表壽七十

何氏蠅村吳其銳妻年二十六夫亡光緒三十四年

請旌壽六十四

許氏璞鄉村王遠鎮妻定春媳年二十二夫亡無子

定春年七十餘氏爲父續娶生一弟三歲續母棄

世氏撫養孤弟成立葬父盡禮光緒二十三年旌

表建坊現年八十二歲弟寶琛中書銜始以其子

爲嗣

王氏昌文湖村黎錫九妻年二十二夫亡光緒三十

二年旌表建坊現年六十六

黃氏監生袁開文妻年二十九夫亡光緒三十三年

旌表建坊

李氏博奄村附生洗鑣清妻年二十四夫亡光緒年

間旌表建坊

林氏調塘圖王士琇妻年二十五夫亡光緒十八年

旌表建坊加丙市道旁

林氏雲雁村吳峻清媳萬盛妻年二十五夫亡光緒

二十四年翰林編修陳伯陶請旌其子邦蔚妻袁

氏年二十八夫亡乏嗣守節現年五十八歲一門

雙節

吳氏調塘博才村韓殿二十餘夫亡光緒三

十二年請旌建坊

王氏甘蔗園唐清暉妻結褵之日夫已抱疾危劇入
門僅四月而寡守節事姑癸丑年請旌建坊於三

里亭旁現年六十四

顏氏謝蘭階妻蘭階府試案首不數月卒氏年二十

一守節教孤子明哲官廉州府訓導請旌建坊卒

年五十三

吳氏張錫妻年二十三夫亡守節至七十歲請旌

梁氏恩貢張肄雅媳文江妻年二十九夫亡守節至

六十一歲

陳氏博布村吳開芳妻年二十六夫亡守節至七十

六歲光緒二十九年請旌

林氏後尾村方家祥妻年二十七夫亡守節至五十

七歲光緒年請旌

王氏海口東門內庠生何其熾妻年二十餘夫亡無

子守節六十餘年請旌建坊紅坎坡後嗣子晉卿

官左營游擊誥贈二品夫人

案舊志太畧補修

柯氏湖塘村張大吉妻年二十四夫亡無子守節卒

年四十請旌建坊

林氏西田村陳國珣妻岐山村昌化籍歲貢道生女

年二十五夫亡無子請旌建坊於村之右

陳氏昌城村林道泰妻年二十三夫亡無子年六十

一卒請旌建坊祖祠亭

吳氏黑山村鄭先元妻年二十二夫亡守節光緒六

年請旌

陳氏高山村林德傑妻年二十夫亡守節年六十請旌

陳氏高山村林美妻年二十八夫亡守節年六十請旌

周氏高山村林天錫妻年二十四夫亡守節年六十

請旌

陳氏高山村林嵩妻年二十二夫亡年六十已請旌

張氏高山村林德升妻年二十四夫亡年六十請旌

莫氏早春苑里兵部主事張祥垣媳監生瑞銓妻年

二十餘夫亡守節卒年四十餘請旌

梁氏大楊村張夢憲妻年二十夫亡守節至三十四

歲卒請旌

蔡氏石門村吳秉暹妻年二十四夫亡卒年六十六

光緒年間請旌

李氏瑤城村符運舒妻年二十一夫亡光緒元年旌

表建坊

林氏瑤城村符運敷妻年二十一夫亡光緒二十九

年旌表

黃氏瑤城村符盛聲妻年二十夫亡光緒三十年旌表

王氏瑤城村符名瑞妻年二十三夫亡光緒十三年

旌表

吳氏舊墟村監生林德謙媳文菁妻年二十二夫亡
光緒二十五年旌表

林氏芳蘭村廩生吳文忠媳多禧妻年二十一夫亡
光緒十八年旌表

陳氏博文村吳多明妻年二十四夫亡光緒元年旌
表

曾氏儒林村徐中建妻年二十五夫亡光緒二十二
年旌表

曾氏夏山村王學璵妻年二十五夫亡光緒十一年
旌表

夏山村
王學璵
旌表

劉氏美園村王魁庶妻年二十六夫亡光緒十年旌表
雲氏雲路村林崇杏妻年二十四夫亡光緒乙酉年

旌表

龐氏厚祿村王第憲妻年二十四夫亡光緒三十年

旌表

蔡氏虎變村武生林丹鳳妻年二十一夫亡光緒丁

酉年建坊

潘氏成美村施運煥妻年二十五夫亡光緒二十九

年旌表

黎氏書田村林問江妻年二十六夫亡光緒十一年

旌表

符氏豐丁村吳其瑜妻年二十夫亡光緒元年請旌
林氏豐丁村吳德標妻年二十二夫亡光緒十五年

旌表

蔡氏羅賢村張紹緒妻年二十五夫亡光緒二十年

旌表

王氏書田村林開達妻年二十三夫亡光緒十六年

學憲請旌

陳氏山尾村周緒芳妻年二十六夫亡光緒十六年

請旌

王氏博文村吳多福妻年二十四夫亡光緒三十二

年請旌

李氏紫泥村黃樹桐妻年二十五夫亡光緒二十八

年請旌

符氏黃樹全妻年二十八夫亡光緒二十八年請旌

陳氏黃樹潤妻年二十七夫亡光緒二十八年請旌

孫氏多嘉村黎正第妻年二十二夫亡光緒二十四

年請旌建坊在本村

柯氏後湖村張大吉妻年二十六夫亡光緒二十四

年請旌建坊在本村

孫氏福同村鍾德芳妻年二十八夫亡光緒三十年

請旌建坊在本村西

孫氏仁定村符人紀妻年二十二夫亡光緒二十

宋年請旌建坊本村外

三氏大楊村張熊環妻年二十四夫亡守節請旌

周氏陳光耀妻年十六夫亡光緒二十年請旌壽七

十三

曾氏邁德村優貢日躋女郡內歲貢吳玠媳以燦妻

年二十四夫亡撫孤兒鑫成立進庠將食餼忽病

與故氏年六旬無孫立姪曾孫宗澄為嗣補府學弟

子員光緒十年請旌

周氏青草村王朝宗妻年二十四夫亡守節撫孤定

一定邦俱進武庠同官守備定邦以萬州營守備

請封五品宜人光緒十年請旌

黃氏岐山村林崇尊妻年二十六夫亡卒年七十光

緒十八年請旌

楊氏舉人題青女高坡李義怡妻年二十二夫亡無

子家貧耕績自給卒年七十九光緒戊戌年請旌

吳氏遵都圖儒文村王均齊妻年二十四夫亡壽八

十七請旌

許氏海口東門粘奕球妻年二十四夫亡守節五十

六歲終宣統元年請旌

黃氏郡真武樓街關定位繼妻年二十夫故守節年

三四十終宣統元年請旌

朱氏郡真武樓街關定祥妻年三十夫亡守節宣統

元年請旌

鄭氏郡真武樓街闕定發妻年二十二夫亡守節壽六十三宣統元年請旌

關氏蔡欽優妻年二十四夫亡守節壽六十三宣統二年請旌

吳氏蒼驛村許永祥續妻郡大井巷例貢吳金章長女年二十三夫亡宣統元年請旌

楊氏張吳東圖北撫村彭紹昌妻年二十寡撫子先猷成立宣統元年請旌

曾氏大攝一圖移居英岳圖潭湘村吳節標之妻夫故宣統三年請旌

韓氏蘇尋一圖水源里馮恩義妻年二十五寡家貧

守志紡績以自給宣統年間請旌

馮氏蘇尋一圖羅梧里吳坤桂妻年二十六寡家貧

無期功之親忍饑守志靡它宣統年間請旌

韓氏蘇尋一圖羅梧里馮夙聆妻年二十六夫亡宣

統年間請旌

陳氏蘇尋一圖羅梧里馮夙暉妻年二十七夫亡無

子守志事姑至孝樵汲躬親勞苦不辭宣統年間

請旌

李氏蘇尋二圖梅峽里儒童馮錫鑾妻年二十五寡

孀居撫孤子耿蟾成立宣統年間請旌

楊氏海口東門粘奕明妻年二十四夫亡守節宣

年間請旌

梁氏南埜圖坡芴村人黎啟昌妻年二十三夫卒無

嗣宣統庚戌年請旌樹坊

吳氏永都林中蕃妻年二十二夫亡宣統己酉年旌

表建坊

吳氏英華圖潘昌賢妻年二十夫亡宣統元年請旌

建坊

黎氏潘昌麒妻年二十四夫亡宣統二年請旌建坊

梁氏監生吳元雍妻年二十三夫亡守節宣統請旌

吳氏龍坑村張慶詩妻年二十四夫亡宣統二年請

旌建坊

陳氏適博布村吳多猷妻年二十四夫亡宣統元年

請旌

吳氏蛟頭村周詩達妻年二十四夫亡宣統元年旌

表現年六十七

洗氏北祿村潘以義妻年二十三夫亡守節宣統二

年請旌

蕭氏關厰坊陳文杰妻年二十餘夫亡守節宣統元

年九月請旌年已百歲建百歲坊於墓門

甘氏那梅村鄺國光妻年三十二夫亡宣統元年六

十三歲請旌

陳氏那梅村鄺廷銜妻年二十八夫亡宣統元年六
十六歲請旌

曾氏潭瑞村吳節標妻年二十五夫亡宣統二年旌
表

游氏樂育英圖龍交村庠生吳邦光妻年十八夫亡
宣統二年請旌現年七十二

王氏郡城外大井巷增貢生吳爲杰之媳友塋之妻
年十八夫亡民國三年十一月請旌現年五十四
歲

陳氏宅念圖卜齋村李盛妻年二十六守節宣統元
年請旌壽六十七

吳氏遵都圖儒文村王均齊妻年二十七守節光緒
八年請旌壽八十七

符氏文邑欽賜副貢錦波女美南里楊必傅妻年十
九守節光緒三十三年請旌現年六十四

蒙氏道學村王道聖年二十一守節光緒年間請旌
現年八十一

何氏渥洲圖白沙村國學生啟敬之媳允明妻年二
十三夫亡守節撫子起元成立光緒八年九月請
旌享壽七十四

王氏張鍾燮妻年二十七守節咸豐庚申年請旌

陳氏桂林圖峩眉村曾日燧妻年二十守節光緒八

年請旌十三年樹坊

吳氏藍美村監生敕封修職郎林菁妻二十九守節
子植三海康縣教諭敕封八品孺人光緒十二年
請旌孫庠生鎮江十三年建坊在東頭市

馮氏道平村大埔縣儒學正堂王魁衡媳庠貢生妻
年十八夫二守節宣統二年請旌

吳氏道平村吳鳳來女王廷儀妻年二十二夫亡守節
梁氏藍美村附生林鳳昌次媳之梗妻歲貢生新安
縣教諭子勤長女年二十八夫亡孤成立民國六
年請旌現年六十

覃氏遵都儒文村王均治之妻年二十餘夫亡守節

光緒二年旌表

王氏遵都安八村吳琳妻年二十二夫亡無子立姪揚說爲嗣撫養成立後進膠庠同治年間請旌建坊村外壽七十七

郭氏東溪張吳圖周文端妻年十八于歸家無立雖文端出外經商不數年客死他鄉氏年二十四遺孤三歲舅老在堂飲泣晨昏形影相弔事舅撫孤勤女工力耕作以爲仰事俯畜之資措措焦勞不辭辛苦葬夫喪舅能當大事孤兒長成恪遵母訓力營商業家始能立宣統元年請旌壽七十九

人物志十 貞節 明 清

明

李氏夫失傳許字未嫁夫染惡病夫族將火化之
氏聞期與媒往視火發感激涕泣遂赴火殉夫
死夫家因合葬於五里亭南大路邊墓前有坊
書明貞節烈婦李氏墓昔有文宗越此轎頂忽
颺起疑問得知其事因題詩曰未謀夫面伴夫
亡不比尋常烈女行白髮尙難全晚節青年誰
肯負春光魂歸峒裏乾坤老名播人間草木香
我輩未嘗輕洒淚爲他千古振綱常

清

盧氏上東岸人許字周建賢年十六未嫁而建賢
卒氏哀慟不勝登門奔喪孀守白首無玷撫嗣
孤世標能以母兼父道年五十有一乾隆十年
請旌

鄭氏蘇尋二圖美帖村馮琮聘妻未嫁而琮亡鄭
哀慟不欲生琮胞弟舉人玠憫之迎於家以遂
守貞之志松筠勵操白首無玷乾隆四十五年
吏部尚書協辦大學士蔡新以貞栢流芳匾旌
之壽八十卒

謝氏林其玟聘妻嘉慶三年旌

李氏兆祥女許字城內東周巷鄭同明未婚夫卒

李聞訃奔喪守節家貧如洗冰操三十餘年里
鄰好義者憫其孤苦共捐置舖二間取租息以
贍之

林氏許字沈鏞未婚而鏞歿林奔喪守義事親能
執婦道撫姪爲嗣卒年六十

陳氏下田廊龍恭聘妻包崙陳文賢女年十七娶
日已定期未至而龍恭亡陳登門守節食素終
身事翁姑撫繼子辛苦數十年冰霜如一日道
光乙酉旌建坊北門外

王氏博盛一都黃元鏜聘妻年十八未字鏜暴亡
氏聞痛哭幾絕毅然登門守節父母親屬再三

勸諭不允遂歸黃家終喪貧無立錫勤女紅以
供舅姑撫姪子以延嗣有憐其貧而賜之者不
受或諷之嫁卽取棉花塞其耳苦節七十七年
壽九十五里黨嘉其貞節舉人杜應清爲之傳
馮氏洪見邦聘妻沙上村人年十六方聘而夫亡
毅然登門守節父母慰之親鄰慰之舅姑再三
推辭之俱不允及葬至棺所長哭而哀觀者爲
之泣下守喪三年不復歸母家貧無寸產織蒲
度日道光甲申年饑斗米錢八百鄉人憐其貧
而賜之不受集蓼忍荼毫無怨言順事舅姑始
終盡禮年五十餘卒道光己亥旌

元符氏四娘求進士確六世孫女生於元初許字未
嫁而夫亡翁姑兄弟俱無在家事父母貞潔自守
年九十餘歲壽終符氏合族葬之建塔以奉氏神
主至今猶奉祀

李氏海口西門內王家養婢許字未嫁夫亡氏誓不
他適鄰人備轎迎歸夫家夫有二弟少孤氏以手
工撫養長成在夫家八年未曾一飽鄰里有憐恤
之者給以米拒不受卒年二十九歲

孫氏蒼原圖黃江鴻聘妻文兌村經緯女鴻年十九
歲病故父母許婚他人已曾願聘氏年十八憤恨
請鄰婦導登夫門守節遺書父母自明其志不再

歸寧年三十病故

鍾氏西廂圖仁里村鄭文運妻年十八夫病危急自願登門服事五日夫亡矢守堅貞有媒勸其他適者嚴詞拒之再來則帚鞭之後無敢干以非禮事姑克盡婦道立姪為嗣里黨稱之徐學使琪賜貞節可嘉褒之現年六十

陳氏演順三圖金盤坡村楊正智聘妻未嫁而夫亡年十八登門守節孝事翁姑家赤貧以紡織度口

民國元年鎮守使鄧鏗賜貞孝二字建坊於

塔市之東

陳氏許字上坡村唐開明出洋營業不幸客死氏年十九過門守節奉侍舅姑年二十九卒